



Projet promovût di 'La Vôs dai Furlans' e 'ARLEF'

Lu saveviso che...?

SACHE BURACHE

La cjançon de setemane



"Tirìn tirìn tirele, firaitmi cheste orele. Tirìn tirìn tirâ, firaitle fin che e va!..."

Cjantìn insiemi "Orelute" su




Il camêl al vîf tes zonis desertichis de Asie centrâl. Al à 3 ceis e lis orelis fodradis di pêi par difindisi dal aiar e dal savalon. Cun di plui, al rive a parâsi ancje sierant lis narilis e la bocje. Al è plui pelôs dal dromedari e al à su la schene dôs gobis che al dopre come riservis di gras, par cjapâ energjie cuant che nol à nuie ce mangjâ.



Cumò fâs tu!

In chest dissen al è un dromedari: rivistu a cjatâlu tra i camei?



Ridi a plene panze!

Cuâl isal chel animâl che si russe lis orelis cul nâs? L'elefant!

Piture il dissen



LES IMAGES A SON GIAMADIS FÛRDI HTTPS://ITEREPIK.COM - HTTPS://PKABAY.COM - HTTPS://ARLEF.IT

Pagine curade dal Sportel Regjonâl pe Lenghe Furlane de



Vuelistu tornâ a viodi lis pontadis di Maman!? **Cirilis su**



ANCJE 'ON DEMAND' SU telefriuli

O cjale lis replichis su telefriuli

Vinars aes 18.30 e domenie aes 7.00 e aes 13.00

STELIS E LUSIGNIS Noa



Roc. Tu vuelis gjolditi une vite comude e plene e par vèle tu fasis tancj sfuarç, atent però a no lassâ indaûr la famee.



Taur. Tu âs di frontâ un biel dubi: restâ leât ae vite di ogni di o fâ un biel viaç? In duç i doi i câs tu cjatarâs cualchi truc.



Zimui. A stan rivant bielis gnovis, so redut sul lavôr, ma il destin nol fâs dut di bessôl.



Gjambar. Doman tu âs di dismenteâ fats e personis leâts al to passât.



Leon. Sta plui dongje a fradis e amis parcè che a podressin dâti il consei just.



Vergjine. La Lune e à voie di fâti cualchi dispiet e cussì, tant che tu stâs gjoldint un moment di pàs, jê ti fâs un çopedon.



Balance. Tu sês plui viert cu la int e chest ti permet di cognossi personis gnovis, cualchidune e pues diventâ amie.



Sgarpion. La energjie di chei dis achi ti puarte a fâ une vore di sport, ma une vitalitàt compagne no tu le âs intai rapuarts cun chei altris.



Sagjitari. Tal lavôr tu rivis a meti in pratiche lis tôs cognossincis e i coleghis ti disin graciis.



Bec di mont. Ti è vignude tal cjâf une persone che no tu viodis di un pieç, tu fasis ben a clamâle.



Agarûl. Intes discussions in famee tu âs di vè un grum di pazienze e no tu âs di rabiâti. Cussì dut si sclaris miôr.



Pes. Alc di chei che ti son intor no ti convinc, tu fasis ben a fâ cualchi pas indaûr e no cjapâ nissun impegn.